



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanvelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofurti, 1684

4 Cainam Enossi Filius. 5 Malaleel Cainami Filius. Opposita.

urn:nbn:de:hbz:466:1-38349

Et scribendo Tetragrammato,
Suas certatim pennas pararunt Cychni.
Ipsas adeo Tartari latebras.
Magni nominis Echo personuit:
Atque ingens veluti globus
De fulminali machina elisus,
Trepidas Eunemides, consternatasque confecit.
Quæreris quid authoramenti retulerit Enos?
Idem accepit quod dedit.
Homonimos enim cum suo Numine.
Deum appellavit, Deus est appellatus:
Aras posuit, impositus est Aris.

C A I N A M
E N O S S I F I L I U S.
M A L A L E E L
C A I N A M I F I L I U S.

O P P O S I T A.

Cainamus & Malaleel,
Ignoræ Virtutis, non ignoti Virtuti;
Patrem pietatem in nomine dispari præ se ferunt.
Nam Cainam lamentabilem gemitum,
Malaleel lætum Numinis laudatorem, sonat.
Optimo nimirum peffimoque Sæculo,
Certabant paria virtutibus vitia.
Hinc Religiosa Sethi posteritas,
Illinc nefanda Caini genimina.
Procacitatem modestiæ,
Sacrificiis sacrilegia coæquabant.
Itaq; Hominem inter Homines nullum invenissem;
Sed vel Angelos, vel Belluas;
Aut Arâ dignos aut Harâ.
Adeo mortale Genus,
Vel extremos Numinis amores,
Vel extrema odia promeritum.
Voluptati & mœrori
Parem materiam dividebat.
Divisit proinde officium pietas,

Gemi-

Geminosque Myſtas initia vīl,
Quorum alter luctu, alter cantu litaret.

Sile iam Græcia miratrix
Democriti, & Heracliti disparem Genium,
Possum melius par, divinō de authographo promere;
Nam Cainam lugendo, Malaleel canendo,
Novem sācula consecere:
Et antiquam animam
Alter effluit, alter efflavit.
Diutius tamen vixit Cainamus;
Nam Mortalium lātitiæ superstes est dolor;
Denique à Cainamo Melaleel est satus:
Vera quippe voluptas, lacrymarum est proles;

F A R E D
M A L A L E E L I S F I L I U S:
E X P O S T U L A T I O:

Est quo tecum ex postulem, Fama;
Quæ tot prædita linguis, quot plumis;
Circa Jaredi laudes implumis es, & elinguis.
Nam præter annos ac prolem, nihil admodum pangis;
Non annis vivunt Mortales, sed factis;
Tu Jaredi annos prodis, facta perdis;
Quid hoc est aliud quam occidere mortuum? Fallit
Authoritatem ex silentio queris.
Ad laudum metam de compendio petvenisti;
Dum Jaredum Enoci Genitorem vocas.
Non poterat intempesto sāculo tam bonus educi;
Nisi ex optimo Patre.
Quam magnum hoc fuerit, docuit mōra:
Atavus enim esse poterat, cum Pater esse cœpit
Ut non mireris tam senili iagenio Puerum.
Nemo seriū Prolem habuit,
Nemo enim diuturnius erat habiturus.
Festiva non sunt, quæ festina.
Decennio parturit Elephas, sed Elephantum.
Celeres partus yclut sibi præceptos citè revocant Fata;

TAN